

沅

湘

耆

舊

集

沅湘耆舊集卷第三十五

新化鄧顯鶴湘臯編輯

鄞縣沈道寬栗仲校訂

蓮冠道人夏汝弼一首

汝弼字叔直號蓮峯一號蓮冠道人衡陽諸生生
有異稟剛介負氣湘衡亂佯狂遠蹈或歌或哭有
語及時事卽閉目不答鼎革後挈家入九疑山絕
粒死楚風補僅載其車架山同夕堂作一詩車架
山在湘鄉西南九十里夕堂卽船山先生以船山
所著書有夕堂永日緒論也案船山詩有同夏叔
直出寺看碑及重過蓮花峯是夏叔直讀書處二

詩湘鄉藝文志有劉近魯湄水同夕堂老人月泛
尋懿庵別業詩知叔直與船山交甚摯其詩清厲
纏綿沈鬱悲憤視少陵北征昌黎縣齋諸作同一
感慨而哀豔過之惜無由覓其全稿也鄉先生嗣
玉笥之音蹈首陽之節如斯人者忍聽其著作散
佚姓名滅沒若存若亡如此伊誰之咎哉可痛也
已湘鄉流寓志夏汝弼字叔直衡陽人早有文譽
舉於鄉丁亥歲湘衡亂潰忽有稱蓮冠道人者
攜一童子囊琴至梓田之車架山僧樓而止焉
日就古木鳴泉閒藉危石彈琴吟嘯以終日已登
白石峯劍梁山觀瀑布輒數日不返問其姓字不
對人亦不能則邑士蕭常賢見而識之邀至家或
飲或哭與語世事則閉目兀坐不答居月餘辭去
莫知所往後聞其人尤疑山絕食以死按衡陽志
稱叔直爲名諸生此云
舉於鄉蓋傳聞之異也

車架山同夕堂作

陽春沈白日飛電雜驚電洞庭生紫波席捲天鄉縣同心
誓死友岐路開生面行行背嶽蓮蒼翠曲折見遂爾集漣
湄決計無返眵人情乖俯仰譬歟生機變僨客誰依破
壁言空銜念此骨肉非豈徒詩書賤顧影亦乖微矢心詎
流轉空山禪刹孤萬竹鬱葱春雨鳴中宵崖水飄飛練
未敢言欣賞聊焉保孤狷斜照微暎溪毒霧方遶箐荒荒
青天高白日覲一綫南雁無良書增繳彌空冑回思心亦
怵定目光不眩夙知投生術審已非所羨義命在溝壑頂
踵託烹鍊幽徑自縈蚓巢幕匪隔燕鏤心嘉遜肥當頂震
雷海有時遊山椒回首睨芳甸墟煙青一縷落英飛萬片

亘碧四天合同雲平野徧心理訖古今甯我得獨擅瑣瑣
相坐嘲悠悠誰生唁抱影終微生道枯隨邱甕

附錄叔直先生白石峯記歲丁亥月在午梅雨新
霽與王子而農披榛徑登白石峯積陰初起條風
時至捫柔綠度深碧登降頻數不以爲勞僅至於
峯巔而息南眺視融如俯而回睨西望梅龍如夔
而東引北瞻荆紫如延如拒將迎莫必而以其翠
光相峙夫以是峯之特立出於羣山之表而其上
蒼蒼無窮者且如彼是果有所謂天耶抑無所復
名之而姑謂之天耶天者果有所稱與則亦宜有
所不轉者存何居乎其必嶠之荒遠而始以爲大
乎則吾未知其定有天焉者否也於是兩人者選
石而坐不能去不能留歌無聲言無謂相視久之
不能名其故曰已晚矣乃遵所登之路而返按一
統志荆紫峯在湘鄉縣南百里孤峯突起衆山環
繞其對峙者爲白石峯余既得叔直先生車架山
詩復從湘鄉志搜得此文而先生之蹤跡交遊志
事乃稍稍窺見崖畧豈非鬼神之靈有以默啟之
耶比與吾友沈栗仲毛青垣湯叔尺幼尊兄弟約
登車架山白石峯求雨先生流連憩息之所建祠

立碑於上且繪圖徵詩以永其傳年衰志往人事乖迕未知得果此願否謹識於此以待來哲

食苦和尚唐訪十四首

訪字周之號汲庵武陵人號食苦和尚二華先生
次子以桂林籍中壬午鄉試第一瞿忠宣式耜見
其五策詭爲異人永明時特疏奏授翰林院庶吉
士掌制誥備顧問上六代中興法戒書奉敕入楚
聯絡勲鎮旋痛哭祝髮築食苦庵以終有寂堂集
唐氏一門忠義汲庵知時不可爲茹痛祝髮於諸
唐中尤爲奇偉觀食苦和尚記可以悲其志矣詩
有奇氣嶽嵴歷落不可繩以常格

癸未十一月二十三日

中原赤旱萬騎呼遺黎已見膏脂枯猾賊鼓手萬人應白
晝攫物充肌膚官軍養虎不一戰狐鼠一氣誰爲屠武陵
相公仗劍出羣賊坐困饑伏隅豈知星隕無繼者痛哭不
返眞區區

一歲兩歲烈日酷十畝五畝鵠鳩哭白髮老翁出茅屋鵠
肩攖臂眸子綠自稱四十射鴻鵠垂老無米煮餲粥三兩
兒孫飽銛鏃老翁已老蛇生足明年納米驅黃犢猶望老
翁果其腹

醉歌二首

我昔作字如犁鍤左支右吾風颯颯拳身引臂忽一伸一
手已過十行劄風打江波雨打籬野人閉目數鶩鴨一時

錯迕不勝愁。獨坐徘徊嗟。非關如彼鍾蔡與薛。虜數墨尋
行何足法。

我昔擊劍如波濤。青髭黑髮單裊袍。揮斷霜花三百尺。寒
飈霍霍飛鵝毛。夜深路狹樽酒滿。以手當之摧蓬蒿。薛政
努目出門去。韓相橫屍牛馬槽。如彼荆卿與豫讓。隕身斷
臂空相高。

山中歌

山中何物常關情。白雲欲往風正橫。木末行人如蟻渡。千
巖照見賢韓明。啜羹分食看蒼兕。采蔬負笈餘葱菁。前途
欲逢木客語破瓦。自蓋同堅城。我生草澤三十過。已見憂
患送此生。移牀不敢當穴處。公然白晝來猩猩。豈知深山

有好事峰峰不碍行人行奔泉時向絕壁落郎當欲斷風
吹箏山雞無用催曉曙自有鼻息支寒更起尋隔林紅正
滿但見血濺難聞聲昨日旣霽復小雨山姑搗麥飢炊羹
安得春事長如許腕腕白日宵方平

舟中記事

青山作字漫復漫平溪如掌生安瀾小舟忽發多情雨南
風過去衣增寒酒薄味短僵無力高冠欹仄臨飛湍千里
欲呼明月出狂言不檢吞辛酸鐙花自翦雙眸窄寒盡作
汗流辛盤山中老嫠異鄉縣對人憔悴傾心肝自言齊安
三十載流浪不覺衣裳單孤兒泣斷隴頭路炊粥不飽雙
眉攢天地無情已如此使我感激哀千端百年投老誠無

計髡毛囚首羞琅玕徑須深山挂古鏡自照莫待他人看
明年且赴麻姑約羽毛重刷生雲翰

雨泊前韻

溪水一尺江漫漫平江深濶開橫瀾挽舟剛轉青浪口江
豚倒拜陰風寒短草牽蓬不得去枯槎洞擊鳴驚湍山猿
作語向人訴能令聽者增悽酸豈知我亦憔悴人寒漿一
滴浮空盤多病不解良時好徒有偈側煎心肝今日從君
請解事萬里莫遺衣襦單朱唇紅頰歎容易狂言脫誤何
多端北溟不肯忘南徙鸚鵡要自啄琅玕神物滅沒久無
跡後人青眼勞誰看盡夜舟中同鬪踏夷然一笑風生翰

鹿菴有引

食苦和尚作庵成適有四鎮張公放生鹿至養之自偶
遂以名庵

三人同夢何時踐十數年中兩折羣未死我方貪學道此
生自笑誤從軍低眉欲去誰堪說努力能來總不聞莫遣

因緣猶縛束別開世界有奇勲

原注前與胡寧楊勲同夢
爲德山僧時胡楊已厭世

關門夜鎖霜燈影過耳愁聽旅鴈羣誰肯捐生侯處士不
令獨死灌將軍幾年空篋音書滿昨日小樓風雨聞燈焰
已隨諸趣盡可來一笑說前勲

原注微菴兄
羈粵西未還

舟返灘江

前來草草過江干忘卻西風百尺灘舟向此中閒寂寞人
於何處買清寒湖光暢好隨鷗轉山色無妨帶雨看卻憶

不如溪畔叟夜深燒火照漁竿

贈毛子霞

論心何事兩嗟吁相對鬚鬚各有鬚我已中空無一物君
猶雄視屈千夫青山不厭年年到碧海何妨夜夜孤助我
湘雲三萬字袖中知有壺公壺

卜居洞庭西汜

我亦能來湖上住自稱湖上湖邊人潮消潮息成終古漁
弟漁兄作比鄰致祭靈均兼少伯射書海若與河神荒唐
自擬同開地水國如雲聚族姻

北水東流不到海中橫大澤受汪洋有如五霸分王運獨
向諸州割一方何可無人當此際誰能出手奠洪荒湖人

白首傳遺事要說當年漢與唐

人聞耳目尋常過物外見聞難得逢野鳥能言黃帝樂遊
魚解學湘君容浮天便促萬山月布網橫遮千尺龍湖棹
湖歌紛雜沓閑同吳語喚歡儂

附錄食苦和尚記有明萬歷四十五年丁巳十月
朔二日和尚生行年三十又一歲又八十八日爲
戊子春元旦和尚築食苦庵成乃告母兄及妻妾
并告友人自今以往呼我食苦和尚各遂以戊子
元旦始乃自記曰和尚有髮髮委地數尺鬚鬚
面白微顰目能視數十丈以外蟻螻遊絲野馬如
在几案聲如巨鐘善作鬼語視李長吉孟東野過
之善哭偶觸即哭哭數日不止與友人論成敗事
及君父憂危臣子慘辱亡國廢墟如身值其時則
張四顧如深壑大壑如鼎鑊交加如中毒如魔以
是益哭聲吞咽咽哭不止也和尙三遊燕四入甌
一過秦再歷吳越晉趙閩粵返楚賦帝京記華山
訪侯嬴豫讓墓弔姑蘇之臺問五湖之棹帝子亦
得賦招魂尉陀不敢據南面漁舟不返屈宋同歸

和尙入名山喜獨遊夜遊雨遊雪遊雨遊石喜
僧喜瘦喜燃炬夜生大石上喜臥佛閣反鎖鬼叩
門飢鼠竄瓦佛無語猿嘯對古人勝跡喜與古人
遇牽其裾平反其獄不受古人欺和尚早遭茶苦
十歲遭父冤中遭別已仲復蹶今蹶已甚和尚所
遭尙未有艾也和尙愛築菴凡遇山水佳處誅茅
葺竹負土洗石扶石起立對立如人與揖與詆語
與默坐然後置菴菴成居十餘日即厭別徙如前
客告和尙曰食苦猶菴也和尙猶和尙也壁且頽
泥半脫水汨汨流膝下苔上枕蟲嚙席和尙蔡曰
立不去不厭不倡狂走和尙又何堪此和尙曰
吾志也誰謂茶苦其甘如薺客又安知和尙之用
心也哉庵前高竹數本短竹百數十本庵側水高
二尺來自二溪至菴合去復分野草無算白鴨一
足跛菴後峻嶺無人木客有大猿時似老翁咳
窮奇癩貓跳地施殺獼猴元兔白麕無算和
尙早起白飯二盂苦茶十二碗酒無算詩或一二
首或數十首喜怒笑罵發狂無聊高山深谷春雨
夏雲奔雷走電蟲鳥花實將見兒女往來唱和無
算和尙自斷三十二歲以後有菴足居有飯足飽
有詩酒足樂和尙有以自老矣元
旦後六十九日寒食前一日記

砍柴行者朱之宣十六首

之宣字子昭湘陰人鼎革後隱於樵自號砍柴行者有集子昭仕履無考戊子義師之役楚人麻沸至滇師抗命收復後當事囚之成大獄湖湘名士株連繫累者三百餘人子昭與焉獄數年始解集中有釋繫奉別陶密庵年丈詩是也

讀史

大風歌消壯士魂漢帝謀深念子孫楚王氣盡虞姬泣愛馬惓惓還愛妾英雄得失時如此成敗都歸大江水君不見漢帝悲時羽翼成楚歌楚舞戚夫人

寄劉長人博士

昔別自君宅屠蘇歲紀壬春風十一度噩夢幾回醒芳草
爭遲色焦桐惜故音楚吟不可學湘水自來深

沅江懷遠和尙

遠公法王子來葉濟悲臻念此君情性安予心賤貧神山
平石路梵火照漁人兩地何嘗隔清魂慕隱淪

謁些公尊者

原注時屬新
隄之沙灣

木葉隨孤影乘波下洞庭問師移海上刺棹誌沙汀堂補
山中臥人留澤畔醒端深宜一拜維岱俯亭亭

話到傷心處爲開別墅筵微生天地意斗酒故鄉緣硯墨
勻寒露詩篇副野煙寸心俱未盡遺憾此山川

人日寄李翼三

不見李生久清尊遲我思天心爭閨月別夢訂重期孤樹
棲山杪千花蘊水湄知君能念我人日定題詩

同友人抱琴謁德山五原和尚

堅我名山歲歲心同人偏許共登臨移來鄉國生公石碎
卻王門處士琴碑斷有文年復月塔高無縫古猶今如何
五嶽孤筇路不向空王痛定尋

渡汨羅江雪中行六十里湖岸

洞庭南畔逼汀洲渺矣予懷帝子邱清絕長沙鷗得地蕭
條澤國壑容舟蜃樓避雪光初斂漁市停雲網未收記得
孟年芳草路於今羞澀悔重遊

感懷

往還端自笑頻頻白眼從他世上人長劒不磨三尺水敗
蕉空寫一囊貧且依遠岸涼風吹仍對南山寸草春賴有
漁鷗相感激孤帆到處未迷津

人日有作問寄潛夫

春雲片片未成陰憐汝歸鴻一夜音客路齊人猶挾劒王
門處士不彈琴草經九辯無非歎書寄三江有是心莫惜
枕衾孤歷歷且投眠去夢中尋

釋繫奉別陶密庵年丈

先生抗志砥回瀾孺子頻勞望海觀豈意春風三月坐翻
嗟冰窖一天寒商歌每讀同聲咽黨錮初開眾論安歸去
瀉山祔白業慈光照我一毫端

渡江

平明橫渡一舸孤全寫江風浪馬圖帆轉石尤酬足力酒
醺木客寄微軀孤松有徑猶堪倚瘦竹無錢亦可扶寄與
山中小兒女阿翁行作上農夫

橫波十丈萬山奔舟楫顛危性命尊剖腹豈能同賈客懷
沙定未弔湘魂有途欲哭爭逢籍無地安心錯罵惇從此
還山尋故隱深深記取石尤恩

送曹猶雪

南湖清絕野煙微賸得西風晚喚歸鄴下多才曾作賦長
沙有客未成衣全留白髮三千丈卻譜黃金十二徽詰旦
青衫江上看許君一葉載秋暉

鴻爪從來亦偶過停桡且踈晚秋波豈無客欲同公渡若
有人兮帶女蘿粒粒竹稗爭慰鳳淒淒澤鼓漫驚龍江神
最愛浮槎影頓遭風帆激楚歌

讀武陵相公疏稿時奉采輯

三百餘年養士恩敬將君父慰忠魂事繁諸葛秋風隕戰
苦睢陽陣色昏十指濺來心有血九泉瞑去骨無存千秋
信史誰傳筆莫使孤臣夜叫冤

一杓行腳道人瞿龍躍

三首

龍躍字天門武陵人崇禎時拔貢性嗜遊兀傲自
喜鼎革後常出亡不歸所至有題咏自鐫石壁納
稿瓢中自號一杓行腳道人詩有奇氣多棘塞之

句少諧暢之音爲擇其稍平近者存之

蟪蛄

鳥喙搏雖堅無能屈蟪蛄微物長陽剛極力學英武大地
日月寬隻形關疆宇靜息式經營高天等終古草木苦勞
場殫心爲狼虎何敢循逸閑引彼或之侮旦暮食剛風思
以強肱股於何有無情不恥受其腐兜鍪齧爾愚失算如
狂瞽因循頽敗中大廈搖風雨碩果匪云亡畜山懷幹蠱
煉石始媧皇至今天賴補

關中懷古

謾題紅葉侈箋陳解佩東風顧棘薪白水屢聞傳舍主驪
山常作送行人狐尋宮殿悲殘土花老池臺惜暮春不諱

魚蠻來楚國蹇驢踏散霸橋塵

過桃花溪

肩輿撥石走谿頭我亦分來樵路遊一客千山家屢住百
年四海足曾留青衫破照童松色短髮寒經老水秋咫尺
屋邊山澗裏桃花帶雨對鳴鳩

南雲行腳陳五簋七首

五簋字逸子攸人亂後祝髮號南雲行腳一號衲

拾殘一時名流多與之遊石邨集中有南北送行

詩卽其人也詩有佳句惜不多見

楚風補云逸子賦性傲物意所

不可雖貴必面折少補弟子員慙君親之難遂祝髮號南雲行腳錢宗伯吳宮詹諸公與之結方外

交上詩廣致書畫古玩意亦不在是也已受報恩囑行笈一肩瓶鉢外皆經史書籍意氣慷慨有古

俠士風其胸中磊磊落落嬉笑怒罵皆別有故人不
能測也年五十卒於西冷州潭王山長為之傳
無子詩文散佚衡山譚家逸子即開之節士來學之子開
傳子畧為搜輯成帙之兄弟殉賊甚烈逸子終身痛之

入獄

依杖入青冥幽草沾襪泥中懷無閒照元化相委蛇病餘
筋力怯同行笑衰疲興高一往深私心實枉茲未測獄廣
大先此試嶮崎雲物相治化澹澹生多發中天白日麗不
辨雲所為路傍趙宋字閭閻發深悲萬狀來廣漠浩歎終
難持盡力事攀援內蘊無所施

病起

薄福憂難免病來了歲闌相親惟藥我強坐只蒲團無語
邀僧定將心與獄安更誰知此意明月滿闌干

答友人見簡

荒邨無意緒君到卽深譚萬幻常疑寄一歸嬾用參湖寬
舟是岸蓬小睡猶龜風景解人意有何七不堪

留別友人

小人欣有母大患是吾身祝髮難離俗無家尙戀親雲深
終有路風澹自無塵寄託須高厚從來有隱淪

草市觀音閣

野濶千章秀煙低二水明望中收嶽色帆影辨歸程凝日
深林蔚淩風過鳥輕燕巢依佛座或不昧三生

出雷祖峯路上偶成

溪隨足到護幽涼儘有奇情足上方飯罷鐘聲來谷口定

前鳥語出雲房橋橫絕島度殘影樹挂寒濤下夕陽獨往
獨來還獨望妙高今日是天堂

長沙寄杜三

無家且欲寄鄉書自古長沙是僦居痛哭誰猶方賈傳行
吟我自媿三閭鷗閑渚上難忘海燕度江邊尙憶廬太息
生來是行腳野情只合策疲驢

桃塢老人李國相

五首

國相字敬公號芋巖原籍富平嘗應募隨都督劉
綦平陽應龍以功赴部聽叙下三峽舟覆負母出
巨浪中功牒漂失因浪跡衡湘閒崇禎壬午以衡
籍舉於鄉遂爲衡陽人張賊陷衡徧索薦紳強以

僞職不避者死芋巖引刀割兩臂示不可用得免
鼎革初自南嶽轉徙山谷歲更其處晚築小室植
桃數株稱桃塢老人著逸齋費詞二卷均佚茲從
船山先生南窗漫記中採得數首

春日溪上有寄

春流一道飛蒙茸嫩柳柔荑閒新紅輕鷗點點飛掠水夾
岸桃花笑春風春風度水搖青練溪上落花如春霰初陽
掩映白雲閒惟有白雲光一片

寒食山中懷人

頻年寒食山之陞柳絲撲人今者悲春草漫生滿山甸春
風飄落桃李枝桃李花飛春欲晚溪流東逐長江遠白雲

飛去復飛來飛近白雲人未遠

桃花園

嘗聞此地遠爰入古松園不惜閒中屐來窺靜者機山花
隨意放谷鳥趁人飛坐看爐煙細微茫何處歸

懷管治仲百粵

望愁難託遑知自有身因之徵旅況能不念伊人日月
私照山川有異垠懷哉于役者落落聽風塵

哭夏叔直九疑

孤櫬淪荒域生離一夢慳問天孤雁字無地釣魚灣挂劍
情誰寄焚琴憾未刪蒼梧有舜蹟君志寄其閒

郭隱士履蹤

七首

履繩字季林一作季陵衡陽人崇禎壬午舉人亂
後隱居石獅嶺下竹塢藥欄日吟嘯其中以自娛
有涉園草不傳船山先生南窗漫記中有云郭季
林有涉園草一帙竟陵體也其有意致者良自灑
然爲摘錄之又季林有見懷詩余度嶺孤心雖未
能見諒然季林自率其退靜之情慙慙以相規正
自不忍忘之案季林與蓮冠道人同見衡陽縣志
隱逸傳其人品之高可想見云

觀賽

性情皆有託不但得爲人卽如彼風雨孰知非周親至德
不礙已豈復以等倫

詠甘菊

衡陽產甘菊聞之往籍爾土人不知何所從始而竟置之不植余既屏居石仙嶺下小開荻徑偶從莽蕪中得一本遂喜志之

甘菊聞自昔采之非時榮偶憐廢圃色益歎寒花英移植當窗下浮香入袂清所知憾不蚤况忽故相輕

涉園夜坐

藐茲天宇闊遙矚數星流類敗亦何似棲遲未有儔蛙聲習處靜竹影乍來幽此際空多感沈懷已自悠

秋雨

天色不可名雲氣與之平暑退石苔潤涼生樹葉輕細聽

蟬翼寂遙感雁來聲澹爾平林際深黃半熟橙

和船山小築

軀殼爲誰留相看已白頭從人嗤佩強責自備春秋寒盡
鴻聲斷春歸草色柔餘霞擎晚照峯翠逐人流

懷王而農粵中

豈非天下士所重世閒名令我南原上長吟憶耦耕

過劉子參山亭

萬山環列一茅亭兀立橫空出杳冥聞說高人長飲此只
堪獨醉不堪醒

洪伯修業嘉二首

業嘉字伯修湘鄉人少以文雄屢厄於有司甲乙

之亂楚中當事猶緣飾開闢試士伯修復見遺乃
浩然遠引循衡嶽歸丁亥死於亂兵縣志所載有
雕弓白馬三軍客碧杜青蘅一港風峒雲無故常
飛雨蕙帳何心獨嗜蘭之句惜不得其全篇著有
嬾吟隨草今佚僅從楚風補錄二首非其至者也
王而農先生南窗漫記云上湘洪伯修業嘉興同
邑龍季霞孔蒸以吟咏相尚擺脫凡近往往得霜
鶴唳空之致丙戌開楚閣於衡陽伯修落第歸逕
嶽後賦詩六章寄意宏遠俯仰卓然憂世之心視
杜陵爲尤蘊藉又云自有古今皆作客河山相看
不相知曹劉咄咄三分耳孫阮僊僊一嘯時此豈
經生心腎中所能有此種性者未幾爲
亂兵所害向從更得斯人與遊大雅哉

候雪

雪氣虛堂領梅風別岫歸問寒香約約候夜影微微自撥

爐灰坐因懷酒客違新詩垂老物用息丈人機

卽事

宜投邱壑臥天關生事紛紛不肯閒白髮青髭無稅駕長
鎗大劔有生顏故人百里復千里廣廈一閒逾萬閒看去
煙霞殊不惡愚公何事欲移山

龍季霞孔蒸一首

孔蒸字季霞湘鄉人崇禎壬午舉人流寇破長沙
購捕紳士授僞職走匿萬山中或攜瓢酒登絕巘
悲歌竟日與同縣洪伯修業嘉湘潭王山長岱友
善自號筆樵作悠悠筆樵夫四首以見志丁亥潰
兵掠湘鄉攜家避石板橋山中以護母故遂及於

難所著有類吟自刪存草

南窗漫記云季子與子山長岱夜話詩云

誰窗外頃然動壁琴蓋手霞欲與湖上作者無涉陵纖弱之習追蹤大雅而有志無時與伯修同時

遇害悲夫

約遊望南庵不果

興寄不覺遠遂思陟南山流采杜若香飄舉蒼崖閒白蝙蝠幅巾長松瀉潺湲金仙儻見招相與講大還豈知玉女盆倒洗五老鬟餘飛奔暗雷陰嘯失追攀始悟萬事變一步良亦難山水有時孤高興有時閒

龍簡卿孔然二首

孔然字簡卿湘鄉人兄弟自相師友明末領鄉薦旋棄去鼎革後閉門授徒經畧洪公欲延之幕府

不就與彭禹峯副使而述論詩甚洽湘人傳有拯
湘錄墮糧逸案皆其所手纂也年九十二始卒

洗筆池

褚公不作湘南客鸚鵡誰從啄李花李勣蓋愆徒有子駱
丞亡命已無家筆鋒唯許清臣借謗史空傳義府譁墨氣
釀雲飛夜雨江潭春漲寫懷沙

同車與三太史游東臺山次韻

新蘿取次隔雲攀碧嶂相看一破顏自笑衰年逢上巳也
隨遊展賞東山梳翎燕子清江外濺玉泉聲古樹閒清朗
怡添韶日好蘭亭逸句未須刪

劉若啟象賢

六首

象賢字若啟湘鄉人崇禎壬午舉人鼎革後隱居
深山著書以終與船山先生交好詩格高老可匹
敵乾濤園諸作惜不見全集

過長沙王祠遺址

大橫中炎興再葉啟雲裔德馨爲菁茅幅小安舞袂廣允
行南垂原寢分漣澁代謝雖靡常明禋終不替眇眇念孤
榮幽微有附蒂敬因千載心思酌山中桂如何悼荒邱寒
雲淒薛荔事守非所堪流光誠有繫惆悵佇寒郊白雲空
迢遞

虎塘秋月

清秋如水萬頃涼池水如月金波光月天去地三萬里欸

爾弄影入銀塘荷花盈盈浮月上月中噴出荷花香拏舟
就月月不流今我不樂空白頭嫦娥徘徊四天下胡爲爲
我回青眸虎邱之邱虎林湖邀月者誰韋與蘇太液波寒
定昆圯不識宮娥及帝子有池有月當清秋誰擬牙樯泛
錦水鳳笙參差清不喧月華在水飛紫煙停輝不西兩相
憐世閒何有騎鯨仙持觴與月同周旋誰問三山駕鐵船

岐石酌宋文起

片石款江流江波向石柔苔深爭水碧雲上帶煙浮湘漢
疑分土乾坤賸一邱逍遙隨綠渚把酒問沙鷗

浮湘亭侍座主大中丞傅公飲

湘煙浮白掠亭飛謾謾寒松萬綠肥江漢暮雲搖駿驄青

齊海色入罪微傳經欲覓藏書穴
酌酒難忘把釣磯擬勒
峴山碑一片他年重待鶴來歸

泛小艇送王薑齋劉庶先泊禾豐觀音閣片石對月
總因無計奈情何危坐清宵掬玉波
立石共拋千日醉伯
通舊識五噫歌雲分月媚搖丹袖影弄山魂幻素螺明發
歸舟南望杳黃龍片碧鎖煙蘿

雨中登小雲山

不知骨肉化靈飛遂透高煙出翠微
乞我山靈三日雨釀
成新綠十分肥雲尖小露諸峯淺
晴隙初逢一鳥歸欲借
鳳笙吹宿霧空青極目碧天圍

唐窮園端笏一首

端笏字須竹一字躬園衡陽人明季諸生屢見王

船山先生詩集中蓋船山受業弟子中所倚爲奔

走先後者也詩境雅潔惜不多見徐令素唐躬園誌銘躬園諱

端笏字須竹至性人也孝於其父母服勤色養父

母有疾朝夕不改帶藥與淚俱進奉醫如俗士之

奉長吏終兩親號踊切摯弔者俱爲感泣求蜀材

尤岳絹皆親製以歸製爲送終之具旦夕與匠者

偕多懼其畧也築塋之法匠心而得堅緻之方廬

墓月餘方成復月餘俟其固始歸而終制以此爲

船山王先生所知賞滇師抗命之年章公子載謀

有謨遊粵西不得歸因遊於船山之門而問禮旦

夕與躬園偕知躬園甚深嘗爲余言躬園欲訪廬

山求安成陳二止先生觀歐陽懷雲先生霖宗事

之船山先生許焉以父病不果行又極九老人以

書訂船山同住青原船山不欲往遣躬園行達彼

此之意又以母病不果行嘗得白沙集定山集傳

習錄諸書讀之而嗜迎船山先生住馭閣巖爲剖

示源流因知有朱陸同異及後來心學之謬船山

示以思問錄內外編及柳岸吟周易內外傳諸書

先生長逝後思築室山中以繹所學所
著漸說悔說其言悲其志固卓乎遠也

荷葉塘道中望紫荊峯

嶽氣息空明嶽情未中已片碧浮西清金翠相紛詭落日
溜珠光徘徊動雲髓闕爲開士宅靈蹟恣法喜靜妙自孤
壺喧動違物始如何三年終奔情失內美獨語無與酬遙
心託寒水

劉庶先近魯一首

近魯字庶先一作庶仙衡陽人仕履無考亦見船

山先生集中

案船山小雲山記末云余自甲辰始
游嗣後歲一登之不倦友人劉近魯

居其下有高閣藏書
六千餘卷導予游者

湄水同夕堂老人月泛尋懿庵別業

載酒酬奇字鷗儔一棹攜片雲回野渡萬嶺鬱湘西涼吹
輕雙影灘花笑短藜鹿門知近遠漸入虎塘溪

蕭仲玉甯璵一首

甯璵字仲玉湘鄉人仕履無可考有登杞梓嶺詩
不甚工以其能與叔直先生同遊也故亟行之考
湘鄉山水志杞梓嶺在邑西四十里巖壑深邃夏
叔直嘗避世於此又流寓志稱邑士蕭常賡見而
識之常賡當卽甯璵族人

陪蓮冠道人夏叔直登杞梓嶺

同君幾日住湘山向晚登高一解顏
澗底泉聲和石冷松閒鶴駕傍雲閑
日銜遠岫松千尺天落遙荒月半環
料得

幽懷同韻事錦囊聊與載將還

蕭一夔常賡一首

常賡字一夔湘鄉人仕履無考湘鄉流寓志載蓮冠道人攜一童子囊琴至梓田之車架山僦僧樓而止日就古木鳴泉閒藉危石彈琴已又登白石峯銅梁山觀瀑布輒數日不返問其姓字不對人莫之測也邑士蕭常賡見而識之邀至家住月餘乃去按道人卽夏叔直先生與夕堂老人交篤其遊車架山登白石峯皆偕常賡邀主其家居月餘作兩先生東道主人談何容易然則常賡亦非常人也哉茲從湘鄉志見其洗筆池一絕亟登之

洗筆池次褚公凝煙舊韻

墨池散作一溪煙松影參差繪綠天
夜半濤聲留古韻吟魂彷彿月明前

沅湘耆舊集卷第三十五終

沅湘耆舊集卷第三十六

新化鄧顯鶴湘臯編輯

鄞縣沈道寬栗仲校訂

劉子參惟贊一首

惟贊字子參祁陽人崇禎己卯舉人性剛介萬言
入司理永州時重其爲人癸未之亂與衡州同知
鄭逢元謀督義勇殲賊魁其沈毅如此國變後以
中書屢徵不就隱居西春之石門庵榜曰白雲其
地在祁邵之交宅旁有鯉魚山所嘗往還者王船
山鄒良崖郭季林諸人外莫能見也日坐崖中吟
咏自適與世事絕一夕夢陳忠潔公遺以書撫膺

涕泣曰澹元其名我矣未幾遂卒

送申季鷹唐仲亮出修潛志

元子山水癖不獨潛溪烈華華厓上書春秋同日月文字
一千年勞勞費筆舌良非逞胸臆各自瀝心血悲哉剗削
手刊落劇秦熱諸君殊嘆惋同心理紛屑秉燭陋前編對
雨洗殘碣慎勿抑古人屈就今人轍譬君在當日甯作如
是說余也太無情與溪十年別帙成早貽我臥遊聊自悅

按申季鷹名翬號月巖崇禎庚辰進士荔波知縣
擢御史未任唐仲亮未審爲誰或卽唐周恭周慈
字穉純有秋日遊潛溪詩中及剗削刊落之語致
憤風俗之薄欲搔首問天與此詩所云同一感歎
恐卽其人也周恭原名虞一取亮
工之義亦合周慈詩見前三十卷

陳耳臣五鼎二十首

五鼎字耳臣攸人崇禎朝貢生官耒陽教諭有雨
餘堂文集耳臣性狷介刻苦自厲無子亂後隱居
深山不出與王船山先生交好一通音問而已詩
清婉深秀鍊不傷氣亦遺老中不可多得者

採桑

好鳥鳴春日桑葉已榮滋攜筐向南陌行行若有思惠風
盈襟袖力弱不勝吹林阿花正飛騰流隨逶迤惜昔豔陽
時歡娛多所怡及今追夙愛一見無前期景物今不異離
憂近何爲徒倚綠陰下柔條方低垂引手欲攀摘含意復
遲遲

催租

風雨重陽後催租正到門持符喧虎落攤稅及漁村窮巷
雞豚盡公庭胥吏尊花源何處是吾欲住雲根

還山作

叢桂誰招隱顏垣冒雨斜撥雲尋廢井漉酒對寒花問俗
愁山鬼逃名憶海槎林荒無腐鼠或不集饑鴉

優曇迦川雨上人過訪

春雨遍郊原春風昨夜喧呼童尋藥砌信步入芳園花得
平安信竹留懽喜孫卽時催客到共爲濯雲根

春日放春晴山遊載酒行巖欹松倒出石壓筍偏生欲吐
花含笑初歸燕有聲聞尊閒藉草自可浣塵情

山居雜詠

當檐赤日氣如焚散髮真宜對此君過虎頻驚深夜犬開
軒時望遠山雲天高莫問惟謀醉身隱無他恥用文山水
清音雖寂寞華筵絲竹幾堪聞

匡牀一卷晚涼天顧影疑同枯木禪擬撤溪橋回客騎祇
疏石棧接山泉窗臨疏竹朝煙外稻熟平田暮靄前若著
清池方一畝向門添植數枝蓮

石溪花覆釣魚臺散木爲生自不材爲訪眞僧迷路入閑
呼小艇渡江來竹林遶屋人常靜草閣連雲晝未開牕有
冶情因病減幾回無夢到天台

疏樹成陰引徑斜沿溪人住兩三家入簾山遠時飛翠隔
岸荷殘尚有花已縱狂歌安採蠶且將閒步看棲鴉閉門

寂寂無銀鹿自折松枝試煮茶

次韻答劉杜三

西風颯颯動高牙四面歌聲襍暮笳看折黃花傷歲晚誰
留青鬢傲霜華秋鐙搖夢醒爲客明月愁人醉憶家寂寂
杜陵祠下土但餘衰柳噪寒鴉

移居次答劉杜三

偶營樞戶便桑蓬獨臥深山鳥雀空鼠穴神邱聊免患螽
謀雕俎豈云工荀香野饌加餐易花長春陰蒔雨同數乘
殘書攜未得祇將閒坐伴松風

詠鶴次韻

矯繳彌天正未開擬收雲翮步蒼苔饑逢夜釣加餐便涼

愛松風引夢回好伴仙人閒弄簫曾依處士獨棲梅前村
舞罷歸常晚倚仗頻遲霜影來

頗弗兄招未赴

一時選佛喜逢場突地招邀到草堂自笑陶潛猶戀酒漫
勞悅老預焚香向人嬾乞山中芋著語還添鬢上霜覲面
應無禪可說庭前柏子樹青蒼

秋日過輞庵次韻答杜三

把茅人境自離羣一水依然荇藻紋興到行吟全澤畔秋
當落日憶湘君芙蓉裳好真堪製鸚鵡聲多不可聞得趣
此中閒便足何須怡悅問山雲

突地曾參柏子禪芒屨到處可隨緣寂寥恥作閒居賦慊

慨猶唼寶劍篇護日松陰常滿座蹲檐橘露欲垂肩紫萸
遲爾歸來健頭白青山莫問年

吳中癡隱師將訊南嶽便道以詩見訪時聞野雞潭
爲予小構兼呈昧和尚

欲向山中卻市囂遠公况復屢相招東林原有蓮花酒彭
澤偏多世外交每憶虎溪因嘯過無煩雁足繫書遙丁甯
淨掃潭邊石使我跣趺免折腰

輞庵昭劉安于

二十年前劈面機中閒滄海幾塵飛於今只合瓢簞衲次
第名山踏翠微

過萬峯庵

潺湲一徑入深松千折懸流萬仞峯見說瓜蔬隨地種等閒虎豹絕行蹤

絕無一法向人傳柏子庭前意迥然山色有青泉自活閒來酣枕白雲眠

王貞獻介之一首

介之字石子一字石崖號耐園又號鏗齋而農先生兄也崇禎壬午同舉於鄉衡州陷賊索先生兄弟急執其父先生投潭水自誓而農先生乃匿兄自以重劍見賊俱得免亂後遂築室衡邵永界萬山中鰥居不娶鵠衣草食終其身著有易本義廣春秋傳質詩序參春秋家說補詩經尊序春秋四

傳質見 四庫著錄晚題座右曰到老六經猶未

了及歸一點不成灰年八十一卒詩止存一首

先生伯兄石崖傳譽崇禎末人士以聲譽相高兄
嘗槍然曰此漢季處士名禍之象不十年而見矣
越賊陷衡州索紳士補偽官吾兄弟以親老不能
賊購索益急兄忽向野人問黑沙潭之勝夫不解
兄意曰此豈避山時耶兄笑曰今日不遊更何處
得一灣清淨水為我兩人葬地耶會其日暮家人
遽報家君為邏者所得兄聞之欲出脫先子而沈
湘以死夫知兄出且與先子俱碎夫所數與為文
字交者黃岡奚鼎鉉陷賊中知吾兄弟必不可辱
曲意相脫夫乃易面刺腕偽傷以出而匿兄以死
告先君子乃免夫亦隨有延當夫出時兄藏繩衣
內待大信即自盡夫既免先子而自免乃不果死
然則棲遲荏苒年逾八秩而死於林壑之下非兄
志也案先生卒後其門人輩
私語曰貞獻兄弟俱祀鄉賢

洗衲池

桐靜雲初合，泉高水自淙。寒花凝白乳，落葉隱流聲。苔影百年寺，霜空一砌情。遙知洗衲意，夕磬出林清。

管舍人嗣裘一首

嗣裘字治仲，衡陽人。崇禎壬午舉人。父大成以鄉舉官福州通判，奉檄解京餉六十萬。時京師戒嚴，餉正匱，通判冒險入城，六軍懽呼，特旨擢御史。以病自免。獻賊陷衡州，先生匿安仁山中，賊執其兄嗣箕，訊之。嗣箕佯以死報，乃得免。跳而走嶺外。依桂王，授中書舍人，以抗直罷。遂流寓梧平，閒復居桂林之靈谿洞，衣敗絮，與獠獐雜處，食缺獐民每義而餉之。尋轉入永安山中，不知所終。其在山洞

時終日披草悲吟與相倡和者劉湘客金堡諸人也所著述皆不傳今從楚風補得其詩一首

望赤帝峯書懷

彤日盪秋雲峯精散虛沆渺然感茲生孤寄如蜩子納之
崔嵬中高天浮片雪震動有夙緣長養自芽茁嚴霜不相
避穉弱誠衰竭恭聞粲炎精迪逆如眉列廉吏不可為清
剛無乃輟寢邱有餘蔭生理無吝劣鐘筮載此生冀與昭
爽徹回瞻雙鶴飛遺音貺康壺

自注時為家君
恭禱南嶽設醮

鄒舍人統魯 十三首

統魯字大系一字近野號艮崖鄒人崇禎乙亥拔貢廷試第一壬午舉人學者稱艮崖先生先生有

至性舉動奇偉衡州陷賊迫紳士受僞職先生之
父永芬飭之曰百日小計耳袁閔土室黃巾不入
勿我憂勉爲秦庭之哭可耳乃單騎亡之粵上書
總督沈猶龍謂保粵莫如援楚猶龍疑之適先生
之友羅定牧包爾庚在坐曰此楚奇士尙節氣負
經濟才在南雍同研席知之最悉乃從其請卒導
總兵宋紀出楚疆復郴衡各郡桂王稱號授中書
舍人後隱居祁邵山中所在常載書簾十數以從
巖棲谷飲人莫得而蹤跡也詩意境獨造多僻苦
棘澀之音然視淺易者迴別矣

咏懷

中宵蟲語靜翻然思海山安期聞有約盧敖何日還
陋彼秦皇才金壁空斑斕至今阜鄉裏委影在白營
猶惜遺玉爲狼藉履我閒何如王次仲冥冥不可攀
秦華松千尺抗聲帶鶴閑長江一片月水寂雲潺潺

黃虞遠安適伊呂良管庫豈爲墨灰中能著葛兩屨
鼓角起陰風薄蝕變旦暮白雲指帝鄉清埃愜懽素
仙尉棄青組散髮投江路華陽解金籠吹笙臥松霧
火生不用光土窟自忘怒漠漠落翮山刀政焉能顧

梧桂哀白露蘭芷惜春暉姑射有瑤草蓐收不能腓
下有雲母蟠上有玉液霏藉藉水土中羣類蠹蟻衣
生死渾無閒出入盜一機壤嶽笑黃鵠坐待鹿成圍

及蔓至秦而晉不問楚之撫帥曰吾固吾楚以無
罪也及豫糜爛而楚亦莫支矣晉之撫帥曰吾固
吾晉以無罪也及秦糜爛而晉亦莫支矣此皆六
國之所解從以坐待強秦今晉楚更蹈其轍而取
覆者也統魯晉死言今之粵及豈有類於晉楚而
私冀其不類者則惟恃有明公秉恃有粵在也此
統魯之所以計南楚之紳士縋伏夜行而爲南楚
命於明公也計南楚之紳士縋伏夜行而爲南楚
一月有奇矣賢者不過如值蔓麗求苟活於俄頃
不肖者則如飲狂藥競立功名於來日凡粵之鎮
守隘司郡邑寇皆部署其人無不懷符組侯時月
於楚粵之境豈不旦夕眈眈視粵爲幕燕釜魚哉
而粵之人情如也愚者自狃曰吾粵山川足恃也
知者則過計曰一隅一日之粵與積地積歲之寇
形固較若籛楚也嗚呼陽山鳳門湟水三龍之險
豈險於長江洞庭南嶽彼愚固不足道矣若知者
之過計使統魯無說以處此則統魯亦自晒其誑
也聞寇一隊已至吉州不旬日即罷歸星沙其措
置湖南者皆湖南市井飢寒不得志之人以統魯
料寇不走蜀則走黔有僂焉不能終日之勢然湖
以南十數萬市井飢寒不得志之人盡貪功名而
退休罪罟安保蛾子之術不終視爲似我耶以此

十數萬而危粵有餘矣思及此而車齒之亡依辨
膚之殺剝猶不兄喻而明公猶畫疆而守不毅然
專大夫出疆之利行先發後聞之義也得乎惟明
公西轍桂林一旅出永北嶽虔一旅出郴東嶽閩
一旅出桂悉東粵之師出郴桂之間縱不能使十
數年之積寇殄於一旦而以革楚南十數萬無賴
之面目便仍返諸執經負耒焉而無不兄也楚南
平而兩粵已固矣曩明公面諭援楚適聞粵帥皆
欲按兵境上止云固粵鳴呼不援楚
而能固粵孰魯知其斷斷不可也

陽山公鎮一首

鎮字山公湘鄉人崇禎壬午舉人湘鄉志文苑傳
稱其練博通雅詩篇雄麗淹洽湘中稱詩者推為
老宿兼工行草書子淑亦有才名嘗和海粟百梅
韻一日夕得二百首戊子春父子俱殉亂死遺稿
散佚無存今檢船山先生集中有李廣生自黔陽

生還歸闕率爾吟贈兼感洪一龍三陽太僕山公
及郎君鄭石諸逝者詩按洪一名業嘉字伯修龍
三名孔蒸字季霞皆湘鄉名宿死戊巳之亂者獨
山公以官稱太僕則或當日崎嶇閩粵間所受爵
而方志失考未之載也鄭石卽淑無疑今止得山
公七絕一首

薌泉庵

泉聲歷歷夏絲桐扶杖頻來坐晚風咫尺一流清隔處遙
天尚有半殘虹

包舉人世美一首

世美字乃蔚衡陽人崇禎壬午舉人

長樂山居

炎蒸向晚歇，寂坐倚檐楹。
風覺意先解，月當村忽明。
瓜陰涼屐葉，禾氣水疏莖。
近覺山居好，聊娛物外情。

桑本生日昇

三首

日昇字本生，零陵人。崇禎壬午舉人，有至行，重爲
蔡江門先生所知。以世亂，遯跡著述。有江門遺事
述未見。

入瀧

危峰曾記昔年過，今日過瀧興倍多。
老至始知遊漸好，年深更覺路無頗。
雲移岫影山如水，風激林聲樹亦波。
爲問春陵遙幾許，身飛疊翠出巖阿。

遊月巖晚歸遇雨獨宿山砦

行腳逢山尚可登，帶將秋色到春陵。
薄煙遠沒前村樹，積雨寒生隔岸燈。
閑記山川勞短夢，老將泉石代良朋。
正愁獨宿無人跡，恰有溪聲一一應。

春陵道中望九疑

九歌悲咽九疑峰，萬里孤臣怨莫從。
楚雨那歸汾水曲，嶺雲別向洞天封。
祠宮秋老哀回雁，寢苑春寒響夜松。
待向寒來攜玉琯，月明吹徹幾芙蓉。

龍教諭吟一首

吟字非聲湘鄉人，崇禎朝以貢生中副榜。
官湘潭寧鄉教諭，有瞻雲館稿。湘鄉志文苑傳稱其詩文。

典麗有西涯龍湖之遺今止存七律一首

泛舟蕭灑巖

捫蘿下瞰古荒邱蠟屐斜穿曲徑幽石磴嵯峨疑禹鑿洞
門深窈尙秦畱細泉汨汨來蛟室一磬泠泠敵鳳球舍棹
摩挲殘碣下釣舟猶自繫磯頭

陳布衣正誼

七首

正誼零陵人崇禎時閩人王兆熊漫士以太僕卿
使蜀至永遇陷絕粒於黃溪明月庵死先期寄正
誼詩有云欲白予衷言之實難同心之言其臭如
蘭其推服如此則正誼可知矣詩不多見亦有風
調

遊臯堂觀

攝衣登寒峰峰勢多異狀白雲漾空谷拍拍如積浪徑深
竹轉密松冷石相傍羈懷暫瀟灑野步得疏放日暮下山
時回首空青嶂

黃溪

萬象始何年翠色寒無盡峰攢雲路窮壁陷日光窘緩步
石徑慳落木青蒼隕

冬遊羣玉山

晴空霜影澹杖策恣幽尋野色自高下遺蹤共古今白雲
一徑遠落日數峰陰歸步蒼蒼處沿江煙樹深

同楊允大宿澹山巖寺

久愛山名古茲來雪後看閣凌石壁峻門接水田寬夜鼓
佛場急龍鍾客夢殘遲明窗翠入春已上林巒

因觀巖洞蹟宛是避秦餘入竇月方照凌崖雪不如疏鐘
來杳靄綠樹在空虛隔盡人閒世山生想太初

鉞鋤潭

一圍潭水綠木石復垂陰彌引客情遠相忘野色深亂雲
團古壁落日浴疏林藜杖隨江影還攜物外音

黃溪再題

羣壑亦何深沿源知幾林欲卜南山隱轉傷遲暮心

出布衣山雲

二首

山雲字兩伯祁陽人布衣善琴工詩畫楷法小篆

均佳若有綠綺軒松風覽餘等集零陵蔣孟醇爲
撰隱逸傳摘其詩有云覺來塵外無餘癖自翦芭
蕉草太夕又云彈琴一曲竹窗裏似與幽人論素
心又云且喜廟廊無姓字心期鷗鷺共忘機其風
致如此所居曰梅溪其父雲先之別業也錢開少
邦芭有寓零陵至梅溪訪田雲先隱居詩比之於
丹崖翁則其門風爲有自矣

晚坐梅溪草亭

野色連天迴溪光入洞冥雲流千嶺白山滿一亭青鶴去
琴初歇茶酣酒欲醒蕭蕭風雨夜萬籟雜松聽

梅溪春漲

一天煙雨自沈浮
石徑春泉沓颿流
剛愛寒波能枕漱
莫傳花信到漁舟

高柱一首

柱字季擎零陵諸生

謁元次山祠

韶濩留餘韻
披厓讀舊銘
依然此石徑
誰復坐茅亭
瀟折雲中白
巖浮天外青
我來謁拜日
秋色未凋零

沅湘耆舊集卷第三十六終

沅湘耆舊集卷第三十七

新化鄧顯鵠湘臯編輯

鄧縣沈道寬栗仲校訂

唐主事思堯 一首

思堯字君贊武陵人二華先生弟由貢生官四川
彭水知縣擢戶部主事二華遭璫禍君贊棄家相
從周旋左右不避艱險人以比姜萊陽之弟垓詩
不多見僅傳七絕一首君贊弟心堯死獻賊難亦
甚烈無詩

遊枉山

遊遍名山不記名招尋聊復狎春晴潭空塔影侵松影風

汾州耆舊集卷第三十七
細歌聲亂鳥聲

唐節士誼 三首

誼字正之武陵人二華先生長子年十四父璵瑯
禍下獄負鎖都門請代人稱孝子考授司李未任
隨父官汝南秦中勦流寇甚有功國變後同弟誠
奉遺命起義兵勤王誠入粵助瞿忠宣守桂林公
奉母保辰龍關與粵中遙應鎮帥馬蛟麟襲之全
家被執脅公作書招誠公草絕命詞投筆大罵遂
見殺數日家人獲其尸面如生

春日遊桃川登山小飲

春來波光練如紙攜寶夜泛桃川裏東風不肯放人閑驅

我乘月來山寺山前柳絮飛不盡山上流鶯啼不止卻倒
清樽對月歌俯看澄潭清徹底耳聞天籟發清幽萬竅啼
噓雜興比昔傳避秦桃洞人今見桃花逐流水流水沈沈
月欲西撩亂春山濺花藥安得誅茅結靜緣溪山夜夜長
如此

登善卷壇

路自攢峯入盤旋萬谷中山深遲見日樹老易驚風梵刹
依巖出龍泉與海通塵蹤從此隔未許往來同

絕命吟

兩閒正氣無時無大廈將傾誰與扶庸兒謬託保身哲有
時忠孝皆爲愚豈知仁人與志士臨難不肯稍踟躕如漢

瞻尙唐裴劉寥寥千載甯非夫我本布衣曾射策家世忠
孝常人殊先人末命銜余輩舉義不效當就誅籓籓撤盡
外援絕獨力振臂何堪呼余自往時弟誠奔赴行在馬蛟麟稍首望
闕百無策一死不作亡國俘願爲厲鬼滅強敵精魂漫逐
哀嘯烏

謝節士如珂一首

如珂字鳴玉末陽人獻賊陷衡州拒戰死附見明

史忠義傳

楚風補云如珂少補弟子員學淹博尤

喪祭諸大典必俯導居喪三年不見齒常館一素
封家夜分盜至挑鎧危坐讀書盜嘆息而退癸未
獻寇之難衡州陷珂集鄉勇以待擒僞弁易上
達胡憖述曾虔兵來欲擄其功遇害士民悼之

夢題杜陵集

搖落荒林樹色秋
瀟湘江上思悠悠
知公時有憑軒涕
淒斷天涯故國愁

周義士繼聖 七首

繼聖字述之長沙人諸生獻賊蹂躪長沙周氏一
門受禍獨慘述之先生忠義勃發聚族殲賊破家
復仇其事亦偉事備載其曾孫宣知所編念貽膺
紀見 四庫全書存目方志載其七哀歌聲情激
烈儼然一文山也今長沙周氏科名繼起門才甚
盛蓋其食報遠矣湖南通志繼聖年十四爲諸生
食僚有聲獻賊陷長沙其鄉人
某故與繼聖有隙賊授以偽職繼聖匿不出則
執其母妻要之繼聖詣賊仍不屈賊次第殺其母
妻及其弟某弟婦某閨門殲焉繼聖力衛母賊斷
其右腕尋逸去聚族擊賊竝某家三百餘人亦殲

之設其首以祭母督師何騰蛟上其事授儒學教諭繼聖痛母妻閨門死難終身不仕

七哀用杜工部同谷七歌韻

有客有客修姱美瓊琚飾佩琇充耳獅峯兀律康峯轟虛
名誤我青山裏鐵騎雲屯戈山立欲歸不歸久早死嗚呼
一歌兮歌以哀亭隅獨泣潛潛來

有國有國失其柄嗷嗷蒼赤殞非命賊來潭州千里殷斫
頭剗腕兼剗脛更深林薄悄然歸鬼泣神眇夜不靜嗚呼
再歌兮歌始放山河舉目增惆悵

有家有家悲一方哀哀弱肉餒於強三百六十一朝刈以
人爲醢怒何長方塘五十水盡赤鷹鷂跼跼號其傍嗚呼
三歌兮歌三發三復招魂拾齒骨

有母有母生別離誓死守家甯迂痴親嫜九十有四歲去
此假假見何時憤激一堂青萍缺蒼皇熱血濺賊旗嗚呼
四歌兮歌四奏陰霾爲我晦青晝

有妻有妻號轉急走抱姑嫜衫盡溼裙袖淋漓血污腥巾
幘如此綱常立乾坤戾氣人何辜萬古同悲紛淚集嗚呼
五歌兮歌正長尙有羈魂滯遠鄉

蝮虺惡兮沸清湫鵠鵠集兮毒高樛我有太阿長七尺刺
飛割鱗周四遊安得醜類盡殲絕浩浩扶輿休復休嗚呼
六歌兮歌思遲月明今夜生清姿

半生烈烈不隨戰魂老破產報仇空古道嗟爾年少果何
爲太息聲名亦已早與子彝倫同所歸山中犢抱朴亦抱

嗚呼七歌兮悄終曲掩卷狂號醺酒速

左節士天民一首

天民字任葦湘陰人廩生獻賊破長沙索儒冠授
偽職任葦潛藏山谷爲遊兵所執脅之以官任葦
厲聲罵賊不少屈賊怒刃之時崇禎十七年癸未
八月廿四日也子之俊收其屍面如生

高家坊雪中讀書

雪裏諸山盡伏藏高家坊底露平岡
峯巒盡處梅花發十里風來冷豔香

按左氏族譜節士遂志捐軀卽在本邑錢龍橋之
高家坊與縣志合今讀此詩猶覺冷豔逼人生氣
凜凜知其忠肝毅魄已自命於平時而非取辨於倉卒者矣

忍古頭陀楊山松 十四首

山松字長蒼一字龍髯別號忍古頭陀武陵人父
弱相國長子以祖廕襲錦衣衛指揮行軍監紀同
知幼在軍中才略明敏目光如電軍中有楊家小
飛將之號相國綜覈軍實露章千奏皆出其手相
國卒哀毀甚幾不得生入國朝撰孤兒籲天錄
雪父冤購求祖父文集裒錄不遺餘力吳逆之變
欲訪楊氏子孫授僞職乃遁之江南得免所存詩
不多雋傑廉悍剛勁沈鬱使人不敢褻視顧亭林
先生詩云督師公子竟頭陀詩筆崢嶸浩氣多兩
世心情知不遂待誰更奮魯陽戈可以想見其人

品詩格矣附錄陶密庵孤兒顓天錄序嗟夫卿大
閒暢然無憾於志者豈理也哉不幸而王既改矣
羣錯其趾好議論者且欲檢點殘碑恣談覆局競
爲書以洩其悲憤詆諛之私沈約雖才不辨夢截
其舌則亦文人拂亂者之過也明之季亂莫大於
冠紀事之碑野亦莫瀆於冠最後武陵相公奪情
孤立獨蒙宸鑒然天子授鉞羣工張弧蹇蹇焉矢
報國之心以婦辦賊之力二三年暴露行閒轉職
數千里殲除罔散之盜十數萬迨瑪瑙山之役狡
脫者金山之逸鏡耳如是而終不濟則以死繼之
於鞠躬盡瘁之義亦無忝矣亡何毅皇愍悼其忠
劬逸賊怨椎其丘墓而騰謗不止致小說雜記一
切失實若試刀筆吏作甲乙假如便欲引幸相下
廷尉俛首受惡名安得不仰天而大叫也公濟志
矣勞臣久質於上帝而孝子尙訟於人間豈得已
哉次公仲丹始爲辯謗錄耑爲瀨園一札矯誣無
端頃聞作者亦幡朕欲焚其草長公長蒼是舊弱
冠負劍以奉尊人于帷幄者痛此坊刻日繁深文
巧詆不得不取證耶抄臚列章奏剗嘶時地歲月
之訛舛與天下其質之其於國史良穢所關匪細
也刻成已久屢徵子言泣臥不能答朕而不肖與

武陵世誼遠冠受少傅公知後見文弱先生以
司農郎乞假著書作地官集儼朕負匡濟之望心
實嚴事之己已廷試入成均少傅公幸假一榻適
以三邊特簡而先生亦始出爲觀察議南朝見父
子之闊才誠相勉若師友朕則忠勤清慎之家法
洞見肝鬲矣丁丑再上春官則先生墨綬赴召相
見大慟談過夜分日人臣謀國心則何窮而今才
有量主上但以一趨付我可必十年無事今一旦
使廿年不入長安之外吏獨坐司馬堂公卿臺諫
相對如素人視越策力俱誦何從措手子當見我
之摧覆矣朕則出師闔外幸得捐糜至於成敗利
鈍非所逆觀也明甚今封駁諸草具在竊歎公爲
明主之所鑒任而自負賢臣者欲殺之天不祥明
所怨毒而比肩事明主者欲殺之天不祥明遂有
此事諸公氣燄而不暇察也嗚呼李靖強起而推
若見驅於氣燄而不暇察也嗚呼李靖強起而推
誠乏狄梁公寬饒憂勤而愍傷無鄭諫議忍使英
主獨殉社稷而謂諸臣無責乎哉李文饒嘗歎忠
於國而不知我者鮮庶幾數世之後朋黨稍息以
知音耳武陵隕星四十年明良有歌停史方作豈
餘波尙不息也但持此編籲而天聽如風雷發騰
而乘其尾者可無憾矣長蒼其俟之顓鶴案弱翁

受謗之由始於不附東林而一時同里諸名人首
先鼓噪倡為異議忍於醜詆不遺餘力天下乃哆
然和之私家記載里巷小說嬉笑怒罵幾於身無
完膚謗焰騰天迄今二百年不息則嚴平子一札
階之厲也先是平子伯孔諸人皆少傳上客愛禮
甚至弱翁恃才傲物不復以輩人相推顧國輩積
憤不平此事王山長曾親語於新城池北偶談記
之頗詳即密公序所云懶園一札矯誣無端者也
竊歎楚人好議論不自愛護其鄉里如此往嘗與
雲汀尚書言思欲重刻長蒼孤兒顓天錄為鄉先
生一抒隱痛而徧按不得今從密公集得讀其序
想見一時忠臣孝子不得已之苦衷後世悠悠之
論亦可以少息矣

歸化寺再與羅大言別

一日不登程一日一握手今朝始真別傾倒把君酒約略
翦陂盟十已驥入九惜子與石鯨中被宦情誘甘使萬里
道黽勉落筌笥可憐費青鞵向人卜消受鯨也天限之齋

志困牛後之子當如何暮氣未申西經營遠避局如此算
結否翻不如白藏謂弟山梓閉門甘墨守老夫懲二子持籌良
已久意中期縱橫不啻汎牛斗甯知天所賦能不掣人肘
還恐負使君反唇藉之口

韓山絕頂看海上日出

陽鳥鼓翅海遙沸形質未昭先有氣氣如挽弓思挽強寸
寸取盈無贖義不惜胚渾伐頻洗三躍三投方攬轡細數
天官象緯中程材不易充茲位抵觸胡爲翳且霾也向風
雲卜鈍利年年三百六十九日日經天無竭廢不信停車
及飲馬瑣屑由人占宿次我欲爲君察其際目所不及攝
以意莫須入角與四輪取給諸方各分類拜賜餘光及大

荒全力注之海以內此時觀者亦神王橐籥元氣與之配
母勞管測各殊科罷遣腐儒甘石輩

雨阻高沙市

遙知今日雨容易未能晴牆簷奔遷蟻溪痕漲刻裡風彌
添夜勁雲不解山醒緩急由天意無憑是客程

朝雲墓

萬里拔荒客崎嶇獨爾從居然羈紲事甘與禦窮冬異域
同牀夢逢塲悅已容幾多寒食雨憑弔足音蹙

雞夢

自注夢或作塲謂其出於土也義通

試問神仙肉石芝大都臭味許差池河豚媲美終輸脆蛆
雪浸淫似竊脂乳綻蜂房分滴滴潤回枯臘裂絲絲系從

戊巳胞胎出適用扶衰快補脾

過柴村訪羅浪穹時升

自注柴村在大理

石公橋畔石公村新雨何人尙到門

自注懷橫海阿刺史翁具茨先生也

遺編煩汝訂老人有憾對誰言當年滕薛雖爭長他日班

曹得並存

自注浪穹爲橫海姑壻

遮莫故鄉能月旦不須持向子將

論

雄溪飲賀天放

奇草堂次韻

德操猶是逢人好正則如今不問天既許漁人通短棹恭
承晉歷共編年好遊遇蔗將濃境似博呼臬看幾旋每憶
論文相視笑敢忘畫荻酒壚邊

圓灘

圓灘又渡大夷南高竹斜臨斷岸潭箇箇小洲殘局子團
團茅屋一丸函初晴天外峯爭出宿雨畦中韭尙含先饋
五漿慙老媪鄉心撩亂客難堪

已卯黃石齋先生遣戍過常貽贈二章

乃者吾翁真拜賜異時夫子直非沽爽猶有意疑公旦奚
卻由來舉解狐門戶何曾分蜀洛聖朝不僅責都俞恭承
一笑留溪上排闥吾當罪捋鬚

幅巾小艇意何如有客遙聞載後車阿堵著人公未免重
門不閉我真疏今朝應信弓無影借箸空愁馬駭輿不禁
天真紛爛漫頓教疑案埽無餘

按弱翁得罪東林無如石齋先生之甚今讀長蘆詩知先生遣戍過常時猶存問其家留詩貽贈則

先生胸中已坦然無芥蒂矣先生大賢豈肯匿怨
修好卽長蒼奇士又豈忍背其老友借以引重者
其詩具在可云開懷無愧詞矣竊疑兩家當日已
如青天白日淨埽陰翳而哆然愛憎之口又從後
而張之可勝嘆哉又按楊氏家譜載閣部夫人
尹氏賢而有識已卯黃公石齋以劾太傅謫沅州
道經武陵有爲危言以恐之者遂幅巾小幾問渡
杜山夫人聞之呼諸子曰汝輩當往迎迓第排悶
直入傾倒與語卽家事米鹽瑣屑不須護伏黃公
以是摩諸郎頂大笑而別據此條詩意更明了
舟發惠州友人約同過潮陽兼訂出嶺

入望平疇百里青柴門紅滿荔枝汀雨餘江漲潮頭壓蜺
氣墟傳蜚子腥計日可能環五管明年端欲過中泠韓濱
同下將軍榻把酒相期斗指丁

次陸辛齋魏水村見贈原韻

事干君父不單行自命人間孤孽名妻子已能忘漆炭友

明何事識音聲莫猜側翅換門急肯信飛鴻踏雪輕青眼
感君來物色賣漿屠狗亦移情

我有存亡兩世書天涯搜購廿年餘孤桐野火愁焦尾細
字青鐙辨魯魚忠武出師原利鈍魏收穢史孰騷除東南
夜氣煩公等圭臬今看南指車

試叩陽秋杞宋閒明妃誰爲惜雲鬢肯留頰上三豪在
不妬蛾眉一黛彎史局自當憑月旦國門原不敵名山向
問垂老孤兒淚今日逢君一破顏

楊仲子山梓 三首

山梓字仲丹長蘆弟以父廕官兵部職方司主事
有辨謗錄弟山樛字季元襲錦衣衛百戶流落陷

常德季元與兩兄募義復仇賊令有能擒楊氏一
人者予千金季元竟爲伍伯所得至城南之龍灣
漁人伍立伏委巷笑出大呼曰楊氏世德何負於
汝出白梃斃之季元亦拔所佩刀殺數人得脫季
元詩不見仲丹詩得三首

雨中卽事

梅雨霑初夏閒雲駐野莊低塍掩細草遠樹映芳塘泥腳
分秧穩溪頭抱水長不知春去早猶聽鳥聲忙

桃源洞

扁舟短棹入桃源往事何妨一討論豈有此山堪避世偏
令重至入無門寂韓孤旅國終立博浪一椎身竟存二子

過秦差有意久留此案待余翻

葬望山

孤流中竦獨稱尊只有金焦可共論惜以遐方成割據自

非好事莫攀援吾家題賞經三世前代風流記二袁自注中郎

小修先後特來此外徑從馳道返自注桃川官有馳道我於夢得有

遺言

白注劉禹錫爲郡司馬頻遊桃川宮不聞到此亦一憾事

蔣博士之藩一首

之藩會同人崇禎時拔貢太常寺博士

修城工竣

頻年剗肉勞無補浪費金錢若委沙旣雨徹桑心益迫因
風偃草望尤奢霜凝雉堞狐蹤遠月映琴堂鶴夢賒莫道

彈丸非巨鎮傳來消息實堪嗟

唐廢庵之正

四首

之正字先誠號廢庵沅陵人貢生子充侍御愈賢
之孫也嘗讀書雲盤山中結雲莊亭以自怡桃源
闕禍公士琦每過訪之爲序其稿崇禎末闔門歿
於賊子身寓北溶寺名其居曰遯窩曰寄堂曰園
隱孤苦之感淒涼之思時發於詩歌甲申後遂盡
去其髮如僧獨與沈汝霖他友遊所著枯筇集負
喧集雲莊亭集俱燬鄉人哀之爲築室北溶山頂
曰南憩堂以終

北溶山頂築南憩堂以居里人之厚意也堂前得四

小景詠之

翠壁雲眠

峽石千尋騫厯穹表而白雲席之獨無蘆花被破凍令
作華胥遊然亦不讓倪迂滿幅煙水遲人信宿但恐飛
鴻驚散耳

東臯屹立俯華顛兼喜藤花帶碧帟望裏招來天外鶴悶
時呼出洞中仙避人一壑閑高枕謝客三山臥有年多少
終南夢不足野心時欲傍雲眠

寒林月嘯

草木冥冥涼光侵野空濛獨立有聲蹙然月亦孤憤者
與嗟乎豈臨臯葉落時哉抑眉山古雪初消也勝北窗

一樹風矣

巖居薄暮恣幽眺伴客清輝浮遠照衫上梅陰露欲濡谷
中鶯杳天如笑遍零碎影逐殘花狎曳涼颼窮晚釣埽石
林閒莫便歸空庭夢裡驚月嘯

菊田嵐靄

栗里醉東籬尙荒三徑沈子蘭堦外莼菊盈畝仲醇稱
菊田者是曉看露靄霏微類隱君子固宜焚香修譜無
五斗易也

閑裡栽花勝作宰山人部署邱園改品因高躡得隱逸開
到荒籬亦風采澹日爲容疑古月幽蘭隔畔無滄海種來
數畝稱陶家門外輕英是嵐靄

松嶺濤迴

長松藹簡陰映崇岡香風偶動漣漪濤迴如廣陵八月
足濯幾斛愁也采之歸來爲挹一勺取松花烹之我其
波臣也哉

茆亭小結倚崔嵬洗石幽窗戶未開荷葉衣縫秋似洗石
林潮起雪如堆波中影漾三山去水上煙浮五粒來羈客
幾年鳬鳥跡山居猶喜看濤迴

附錄廢庵北溶山頂南憩堂記春月小艇載來深
入溪裏山川雲物風土一殊溪中人士卜山頂一屋
以居予烏鳴於上水流於下蒼蘿翠壁之影拂於
蓬戶而漁於溪者放歌汀渚往來如畫子曰可以
休矣陶栗里悠然見南山孟襄陽南山歸敝廬此
處差足彷彿題其屋曰南憩堂憩息也哉從來之
勞困而息於斯也嗟乎子十年閒瑣尾流離蜂辛
蓼集或一歲數遷一月數遷一日數遷每至平生

未至之地交平生未交之人加以寒暑飢渴之苦
疾痛生死之危刃橫於頸火烈於廬如倦飛之鳥
依託無枝豈復計所謂南憩堂哉予嘗書堂上曰
幽棲雲嶺車聲息退作山人道味深庶幾幸憩斯
堂乎然予近居洛中二年曾爲密軒爲遊窩爲園
隱堂而予已不能有矣又烏保南憩堂之必爲予
也

沈陶庵汝琳一首

汝琳字他友沅陵人崇禎時貢生性幽潔喜遊覽
遭世亂杜門謝客獨與唐之正廢庵往來談論晚
喜陶詩自號曰陶庵有集未見

小西洞

谷澗澗洞煙寒光自相守何以碧罇中羅錯古蜎斗羸氏
烈焰中大力負之走芒芒九有周選勝於小西曲折入子

冥空音自擊叩卷肘穿滴明倏啟一空牖縹緗皮青苔斯
可期永久爰覲洞中藏皤皤兩黃耆一爲卻鼎翁一爲煉
丹叟睥睨陶唐閒萬乘等糝垢黼輪詣東都釋形幻蒼狗
異書萃異人元氣貞橐紐瑯嬛秘寶光不懼髀叢醜我來
叩遺蹤擊蕪開石缶蒿封翳薜斑元儀景蚴蟉邱索徒成
灰睠依白雲數

邱隱君士琳一首

士琳字玉璫黔陽人崇禎朝貢生需次縣令遭時
多故闢月沛園隱焉園臨煙溪中有雪浪醉石夏
玉軒亭諸名頗擅林壑之勝玉璫嘯咏其中予式
耒式耜式耘式耜皆知名式耜鼎革後褻衣大帶

見鎮帥械送武昌以不屈死方式耕畢命先撰白
祭文有曰以汨羅之水首陽之薇致祭於邱君之
神云云語甚沈痛茶陵譚雅弔以詩所云遺骸應
傍禰衡冢萬古同香鸚鵡洲者也式耜尤有聲有
月洊園集未見玉瑯詩亦止存一首

浪雪軒

開軒何有雪寒輝因水生波閒明月湛池上晚風輕盛夏
餘冬景幽居冷宦情閑來讀莊屈冰玉滿懷清

附錄孫南光月洊園記月洊園據煙溪之勝跡君
玉瑯實爲之一徑緣山循花而入園繞虬杉虎松
長風四擊松杉之警耳以濤而夜響爲最此月洊
園所由名也尋園者先得鍊庵堂堂盡而軒盤踞
數十步爲戛玉修竹沸其簷作錚錚聲軒以內盡
其脊而三分之醉石爲戛玉所負中不六七武而

致甚幽啟旁屏拂入環欄所得更豁以浪雪顏之
三軒而處一室憂玉面山以嵐韻醉石面石以花
韻浪雪面池以水韻入醉石者忘其自憂玉坐浪
雪亦不知其醉石也憑軒有盼苑在水中央凌嶺
孤峙傲若不與三軒相及者則仙月亭也月豈有
仙凡亭四面皆水涼颶襲之月以水倍清憩其中
有人世方蓬之想矣曲而橋皆青白石不浪雪卽
仙月不可得也自仙月浸橋西聯層樓俯映波光
鱗鱗若可就掬者醒嚴也主人好樓居值煙霞作
障以佛語醒之閒集一二名僧叩楞嚴奧義耳然
仙月不可得醒嚴自浪雪而左過鶴脰橋穿花雨
廊環池漸登寶鴨泉絡其功玉瑯謁子相傳白鴨
二浮沈其閒或隱或見予謂泉清且甘何必以二
鴨重雖然神物誠有之且不時露爲奇造化之媚
人也以偶然正不待常常而見之也曲檻覆井飛
簷四垂敞其中使沆瀣之氣不隔坊署靈螭羽化
益以向者言得名也欄以外旁書其楣右仙槎而
左梵雲至此則瑤琪龍象擊目而鳥塵瀛卽復阿
堵人鳥得不換賜以應也山竇鳴傍欄東上石磴
紫之杉竹相函盤旋作徑白璧甃而深曲之榜曰
銀螺中蹲石如浮圖級佛青巖三字凸出覺開益
故紉其道使游人蟻身而隙入之富嘆主園人不

疏情於風月也徑左級而登爲玉嵐庵據勢最高
遙翠巖窺窺如指笏而揖主人厭田舍聲則庵以居
雖素仰不得輒入矣逕以右路而蛇其蹤不數步
復岔而右危橋架之側人畫簷先登樓而後及地
仰視其楹則向之醒嚴也左逕而上則雕虎堂爲
黃書作文之地堂以後復室之爲醒莊爲閣者居
爲標霞元芝是諸郎分肄地雕虎前檻繞欄左曲
三四折爲少陵齋齋僅方丈百花擁圍當名香競
發以工部諸詩醉之人快而花亦快尚平婚嫁已
畢此樂自天來恐難爲俗人言也由玉嵐下瞰雕
虎由雕虎下瞰醒嚴如亭如軒如堂皆若與隔境
人談隔境事者則地勢爲之而人巧給之也崇禎
癸未二月撰

馬通判雲從一首

雲從字右白安仁人崇禎初貢生官鎮江府通判

登天元山絕頂

如削孤峯天半開捫蘿驚到翠微臺風高鳥不呼僧伴路

曲溪能揖客來遊
葉零星歸壑
慣閑雲散漫出山纔
巖前
松檜多禪性
自帶靈根絕頂栽

熊化州鳴渭一首

鳴渭會同人崇禎時貢生廣東化州知州

蓮花洞

路自寒潭入門從
絕壁懸乾坤餘一竅
樓閣隱諸天石吐
蓮花秀風翻貝葉
翩坐來塵思息何
用更參禪

唐夔州文絢一首

文絢會同人崇禎時貢生四川奉節縣知縣遷夔
州府知府

蓮花洞

北郭蓮花瓣生成驚嶺前如何清淨種化作石崖堅洞啟
藏書地溪流洗耳泉無庸滋灌溉花發自年年

王放叟二南

一首

南字放叟茶陵人崇禎時貢生力學篤行甲申
後全髮高蹈與邱式耜同癸巳被逮絕食七日不
死洪經略爲疏雪放還有勸之再出者放叟掩耳
不欲聞著有樂府史芳皆關係名教之言

口號答人

何心更羨牙牌滿有壑能容木榻宜最喜無妻爲賦別不
勞嘲送老頭皮

瞿秀才儼

一首

嚴武陵諸生

宿金剛塔院懷老衲自諾

忍草靈花古院西
秋風喚渡聽黃鸝
曇摩泛海虛持鉢
一塔空山賸舊題

指揮一鱗一首

一鱗字養泉善化人
吉府指揮千戶從周君二南
禦寇瀏陽力戰死
今岱青侍御東枝其六世孫也
聞蔡江門殉難

從來死字最難認
死字惟公認得真
若使今朝同衆醜
幾無一箇讀書人

沅湘耆舊集